



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

3. Parochus.

urn:nbn:de:hbz:466:1-41559

6 Papa potest existente iusta causa, validè, & iuste imponere impedimenta fidelibus, vt Princeps ecclesiasticus. At infidelibus habitantibus oppida suæ temporali iurisdictioni subdita, vt Princeps sæcularis. Item potest aliquos priuatos reddere inhabiles ad contrahendum inter se iusta existente causa. Et non solum inter se, sed in perpetuum, in grauisimi delicti pœnam, *lib. 7. tota disp. 1.*

7 Papa potest reuocare suas Constitutiones quoad effectus in eis incurfos indirectè, non tamen directè, *lib. 8 disp. 7. nu. 4.*

Parochus.

1 Parochus non potest matrimonio cõiungere contrahentes alienigenas, vel peregrinos, siue ambo, siue vnus sit, donec ab Ordinario obtineatur licentia. Secus dicendum de non peregrinis, præmissis denũtiationibus, & nullo opposito impedimento. Et si opponatur, nõ potest parochus cognoscere de illo: sed interdiceret tantum matrimonium, & deferre ad Ordinarium, *lib. 3. disp. 15. nu. 1. 2. & 3.*

2 Parochus non potest coniungere matrimonio volentes ducere aliam vxorem contra priora sponsalia; nec prius affirmantem, & post a negantem impedimentum. Poterit tamen adhibere fidem affirmanti, se fictè consensum præstitisse, quando notabilis est disparitas inter promittentem, & recipientem promissionem *lib. 3. disp. 15. nu. 5. 6. & 7.*

3 Parochus sciens impedimentũ extra cõfessio.

ffionem, non debet adhibere fidem volenti contrahere illud neganti. Secus dicendum quando constat ex confessione volentis contrahere, & nullo modo ex alia parte, vel quando impedimentum est occultum, & nō potest probari aliā viā. Et debet tunc, & tenetur peccanti publicè matrimonium non denegare, *l. 3. disp. 15. nu. 9. 10. & 11.*

4 Parochus potest matrimonio coniungere contrahentes impeditos aliquo impedimēto, habentes dispensationem pro foro conscientiaē nemine denuntiante tale impedimētum. Secus, aliquo denuntiante, *l. 3. disp. 15. nu. 14. & 15.*

5 Contrahens si coram notario, vel Ordinario fateatur, seu manifestet occultum impedimentum, & simul dispensationem pro foro conscientiaē obtentam, poterit Ordinarius, vel notarius, non scribere, & persuadere, vt rateat, *l. 3. disp. 15. nu. 16.*

6 Matrimonium contractum, dispensatione pro foro conscientiaē obtentā, separandum est detecto impedimento in foro externo, *l. 3. disp. 15. nu. 17.*

7 Parochus potest interdicere matrimonium ob doctrinaē Christianaē ignorantiam. Et praelatus compellere censuris subditos ad addiscendum eam, & parochos, vt eam interrogent, *libro. 3. disputation. 15. numero. 18. & 19.*

8 Parochus debet coniungere matrimonio

in facie Ecclesiæ nullum habentes impedimē-
rum. Dicitur autem hodie matrimonium in
facie Ecclesiæ, quod celebratur coram paro-
cho, & duplici teste, & denuntiationibus, *l. 3.
disp. 15. nu. 20.*

9. Parochus, vel religiosi in nouo orbe ex
priuilegio fungentes officio parochi, te-
nentur habere librum, in quo scribant coniu-
gum & testium nomina, locum, & tempus ma-
trimonij contracti, sub culpa mortali. Et quā-
do aliquis de licentia Ordinarij assistit mati-
monio, tenetur admonere parochum, vt scri-
bat in libro, & satis est simplex parochi sub-
scriptio, *l. 3. disp. 25. nu. 22.*

10. Parochus tenetur sub peccato veniali
proferre illa verba Concil. Frid. v. g. (Ego vos
in matrim. coniungo.) Idem dicendum, si illa
non dicat per se. Et tenetur sub culpa mortali
interrogare contrahentes de mutuo consensu,
nempe virum, an velit habere fœminam in v-
xorem, & vice versa. At erit culpa venialis, si
parochus iam constet de consensu. Item tene-
tur sub mortali interrogare, an aliquod impe-
dim. habeant, vbi sit aliqua suspicio impedi-
menti, *l. 3. disp. 38. à n. 7. vsque ad 11.*

11. Parochus non sacerdos potest validè as-
sistere matrimonio peccans ex nullo capite, &
potest dare licentiam alteri sacerdoti. Non
tamen non presbytero. Etiam retentâ contra-
ria opinione, quæ affirmat, necessario parochus
debere esse sacerdotem, *l. 3. tota disp. 20.*

12. Parochus, vel quicumque alius sacerdos regularis, vel secularis assistens matri. clandest. vel non prohibens, est suspendendus arbitrio Episcopi. *l. 3. disp. 48. nu. 1. 2. & 4.*

13. Parochus assistens matrimonio clandestino valido, vel nō impediens, suspendendus est triennio. Idem dicendum de alijs matrimonijs interdictis à iure, vel à iudicē. Secus dicendum de parochio non habente librū, vel non interrogante de consensu. Et alienus sacerdos assistens de licentia est suspendendus non triennio, sed arbitrio Episcopi. Et ab hac suspensione excusat ignorantia crassa: nisi sit ingens temeritas. *l. 3. disp. 48. nu. 5. 6. & 7.*

14. Sacerdos regularis matrimonium solēnizans absque parochi licentia, ultra suspensionem ad nulum Ordinarij, incurrit etiā excommunicationem Pontifici reseruatam per Clem. 1. de privileg. *l. 3. disp. 48. nu. 8.*

15. Verus parochus dans licentiam non sacerdoti assistendi matri. neutram suspensionem incurrit. Idem dicendum de non sacerdote coniungente aliquos matrimonio, absque licentia proprij parochi, *libr. 3. disp. 49. numero 3.*

16. Parochus assistens matrimonio publico absque Episcopi licentia, eorum, qui absque parochio, & testibus contraxerant, non est suspensus; orto tamē scandalo puniendus est poena arbitraria, *l. 3. disp. 46. nu. 1. & 4.*

17. Parochus tenetur in libro notare solius

lius Catechismi patrinum fuisse, puero iã domi baptizato, *l. 7. d. 10. nu. 13.*

18 Parochus assistens matrimonio, in quo est error qualitatis, dans causam matrimonio, non incurrit triennem suspensionem, *l. 7. disp. 18. num. 22.*

19 Parochus assistens matrimonio inter consanguineos, affines, professos, aut sacris initiatos, non incurrit excommunicationem, *l. 7. disp. 48. nu. 4.*

20 Parochus nullo modo potest dispensare in votis non reseruatim Summo Pontifici. Poterit tamen de consuetudine vbi fuerit, in lege ieiunij, in esu carniũ, &c. *lib. 8. disputat. 9. num. 27.*

21 Parochus incapax beneficij ob defectum occultum communiter ignoratum: vel confessor, cuius licetia est irrita ob vitiũ occultũ, vel licentia occulte reuocata est eligibilis per Bullam, *libro. 8. disput. 34. num. 14.*

Pater.

1 Pater non potest iustè impedire sponsalia filij contra eius voluntatem irrita, nisi scandalum magnum sequatur, & malus exitus, *lib. 1. disp. 14. nu. 4.*

2 Pater contrahens secundò, aut mater, potest facere exemplarem substitutionem, & facta antea non expirat, *lib. 7. disp. 88. à nu. 12. vsq. ad 26.*

3 Pater rogatus ab alio restituere hæreditatem filijs, tenetur satisfacere de ea restituenda, *si se-*